

## 爱情的古风句子诗句

1.  
渊冰厚三尺，素雪覆千里。我心如松柏，君情复何似？——《子夜四时歌·渊冰厚三尺》
2.  
茂陵多病后，尚爱卓文君。酒肆人间世，琴台日暮云。野花留宝靥，蔓草见罗裙。归凤求凰意，寥寥不复闻。——杜甫《琴台》
3.  
山桃红花满上头，蜀江春水拍山流。花红易衰似郎意，水流无限似依愁。——刘禹锡《竹枝词·山桃红花满上头》
4.  
似带如丝柳，团酥握雪花。帘卷玉钩斜，九衢尘欲暮，逐香车。——温庭筠《南歌子·似带如丝柳》
5.  
夜夜相思更漏残，伤心明月凭阑干，想君思我锦衾寒。——韦庄《浣溪沙·夜夜相思更漏残》
6.  
山有扶苏，隰有荷华。不见子都，乃见狂且。山有乔松，隰有游龙，不见子充，乃见狡童。——《国风·郑风·山有扶苏》
7.  
陌上谁家年少，足风流。妾拟将身嫁与，一生休。纵被无情弃，不能羞！——韦庄《思帝乡》

8.  
晚日照空矶，采莲承晚晖。风起湖难渡，莲多采未稀。棹动芙蓉落，船移白鹭飞。荷丝傍绕腕，菱角远牵衣。——萧纲《采莲曲》

9.  
寻好梦，梦难成。况谁知我此时情。枕前泪共帘前雨，隔箇窗儿滴到明。  
。——聂胜琼《鹧鸪天》

10.  
云鬢烟鬢与谁期，一去天边更不归。还似九疑山下女，千秋长望舜裳衣。  
。——王安石《云鬢烟鬢与谁期》

11.  
碧阑干外绣帘垂，猩血屏风画折枝。八尺龙须方锦褥，已凉天气未寒时。  
。——韩偓《已凉》

12.  
黄云城边乌欲栖，归飞哑哑枝上啼。机中织锦秦川女，碧纱如烟隔窗语。  
。停梭怅然忆远人，独宿孤房泪如雨。——李白《乌夜啼》

13.  
春江月出大堤平，堤上女郎连袂行。唱尽新词欢不见，红霞映树鹧鸪鸣。  
。——刘禹锡《踏歌词四首·其一》

14.  
公子王孙逐后尘，绿珠垂泪滴罗巾。侯门一入深如海，从此萧郎是路人。  
。——崔郊《赠去婢》

15.  
殷勤花下同携手。更尽杯中酒。美人不用敛蛾眉。——叶梦得《虞美人·雨后同干誉才卿置酒来禽花下作》

16.  
懒拂鸳鸯枕，休缝翡翠裙，罗帐罢炉熏。近来心更切，为思君。——温

庭筠《南歌子·懒拂鸳鸯枕》

17.

东门之墦，茹蘆在阪。其室则迩，其人甚远。东门之栗，有践家室。岂不尔思？子不我即！——《东门之墦》

18.

相见处，晚晴天，刺桐花下越台前。暗里回眸深属意，遗双翠，骑象背人先过水。——李珣《南乡子·相见处》

19.

穆穆清风至，吹我罗衣裾。青袍似春草，草长条风舒。朝登津梁山，褰裳望所思。安得抱柱信，皎日以为期。——《穆穆清风至》

20.

自从别欢后，叹音不绝响。黄檗向春生，苦心随日长。——《子夜四时歌·自从别欢后》

21.

华山畿，华山畿，君既为侬死，独生为谁施？欢若见怜时，棺木为侬开。——《华山畿·君既为侬死》

22.

今宵好风月，阿侯在何处。为有倾人色，翻成足愁苦。东湖采莲叶，南湖拔蒲根。未持寄小姑，且持感愁魂。——李贺《绿水词》

23.

思往事，渡江干，青蛾低映越山看。共眠一舸听秋雨，小簟轻衾各自寒。——朱彝尊《桂殿秋·思往事》

24.

井上辘轳床上转。水声繁，弦声浅。情若何，荀奉倩。城头日，长向城头住。一日作千年，不须流下去。——李贺《后园凿井歌》

25.

东门之杨，其叶牂牂。昏以为期，明星煌煌。东门之杨，其叶肺肺。昏以为期，明星皙皙。——《东门之杨》

26.

曾留宋玉旧衣裳，惹得巫山梦里香。云雨无情难管领，任他别嫁楚襄王。——李群玉《赠人》

27.

骏马骄行踏落花，垂鞭直拂五云车。美人一笑褰珠箔，遥指红楼是妾家。——李白《陌上赠美人》

28.

柳色披衫金缕凤，纤手轻拈红豆弄，翠蛾双敛正含情。——和凝《天仙子·柳色披衫金缕凤》

29.

海底飞尘终有日，山头化石岂无时。谁道小郎抛小妇，船头一去没回期。——白居易《浪淘沙·海底飞尘终有日》

30.

借问江潮与海水，何似君情与妾心？相恨不如潮有信，相思始觉海非深。——白居易《浪淘沙·借问江潮与海水》

31.

恨君不似江楼月，南北东西，南北东西，只有相随无别离。——吕本中《采桑子·恨君不似江楼月》

32.

此曲有意无人传，愿随春风寄燕然，忆君迢迢隔青天。——李白《长相思三首·其二》

33.

衔泥燕，飞到画堂前。占得杏梁安稳处，体轻唯有主人怜，堪美好因缘

。——牛峤《忆江南·衔泥燕》

34.

倭堕低梳髻，连娟细扫眉。终日两相思。为君憔悴尽，百花时。——温庭筠《南歌子·倭堕低梳髻》

35.

相思处、青年如梦，乘鸾仙阙。——文天祥《满江红·和王夫人满江红韵以庶几後山妾薄命之意》

36.

春风动春心，流目瞩山林。山林多奇采，阳鸟吐清音。——《子夜四时歌·春风动春心》

37.

冷雨幽窗不可听，挑灯闲看牡丹亭。人间亦有痴于我，岂独伤心是小青？——冯小青《读牡丹亭绝句》

38.

妆罢低声问夫婿，画眉深浅入时无。——朱庆馀《近试上张籍水部/近试上张水部/闺意献张水部》

39.

织锦相思楼影下，钿钗暗约小帘间。——吴文英《新雁过妆楼·中秋后一夕李方庵月庭延客命小妓过新水令坐间赋词》

40.

菱叶萦波荷飏风，荷花深处小船通。逢郎欲语低头笑，碧玉搔头落水中。——白居易《采莲曲》

41.

江水春沉沉，上有双竹林。竹叶坏水色，郎亦坏人心。——郭元振《杂曲歌辞·春江曲》

42.

无限荷香染暑衣，阮郎何处弄船归。自惭不及鸳鸯侣，犹得双双近钓矶。  
。——鱼玄机《闻李端公垂钓回寄赠》

43.

荷叶生时春恨生，荷叶枯时秋恨成。深知身在情长在，怅望江头江水声。  
。——李商隐《暮秋独游曲江》

44.

枕障薰炉隔绣帷，二年终日苦相思，杏花明月始应知。——张曙《浣溪沙·枕障薰炉隔绣帷》

45.

水纹珍簟思悠悠，千里佳期一夕休。从此无心爱良夜，任他明月下西楼。  
。——李益《写情》

46.

连理枝头花正开，妒花风雨便相催。愿教青帝常为主，莫遣纷纷点翠苔。  
。——朱淑真《落花》

47.

木兰桨子藕花乡，唱罢厅红晚气凉。烟外柳丝湖外水，山眉澹碧月眉黄。  
。——姚燮《韩庄闸舟中七夕》

48.

自从别后减容光，半是思郎半恨郎。欲识旧来云髻样，为奴开取缕金箱。  
。——太原妓《寄欧阳詹》

49.

船动湖光滟滟秋，贪看年少信船流。无端隔水抛莲子，遥被人知半日羞。  
。——皇甫松《采莲子·船动湖光滟滟秋》

50.

离恨如旨酒，古今饮皆醉。只恐长江水，尽是儿女泪。伊余非此辈，送

人空把臂。他日再相逢，清风动天地。——贯休《古离别》

51.

都无色可并，不奈此香何。瑶席乘凉设，金羈落晚过。回衾灯照绮，渡袜水沾罗。预想前秋别，离居梦棹歌。——李商隐《荷花》

52.

垂钓绿湾春，春深杏花乱。潭清疑水浅，荷动知鱼散。日暮待情人，维舟绿杨岸。——储光羲《钓鱼湾》

53.

梧桐树，三更雨，不道离情正苦。一叶叶，一声声，空阶滴到明。——温庭筠《更漏子三首其三》

54.

此去经年，应是良辰好景虚设。便纵有，千种风情，更与何人说。——柳永《雨霖铃》

55.

榴枝婀娜榴实繁，榴膜轻明榴子鲜。可羡瑶池碧桃树，碧桃红颊一千年。——李商隐《石榴》

本文链接：<https://duanjuziku.com/duanjuzi/1pkglid8hm.html>